



Inatsisartunut Ilaasortaq
Nivi Rosing
Inuit Ataqatigiit

§ 37 naapertorlugu apeqqutip nr. 002/2026-p akineqarnera

Ulloq: 16-01-2026
Suliap nr.: 2026 - 541
Allakkiap nr.: 26108503

Asasara Nivi Rosing,

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Apeqqutit uannut akisassanngorlugit innersuussutigineqartut qujassutigaakka. Apeqqutit issuarneqartarput tamatumalu kingorna akineqarlutik. Apeqqutit 2 aamma 3 akinissaanut Nunatsinni Peqqinnissaqarfimmi sulisut tusarniaavigineqarput.

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@naaq.gl
www.naalakkersuisut.gl

1. Kalaallit Nunaanni innuttaasut akileraartartut tamarmik nunatsinni pisortat peqqinnissaqarfianni neqeroorutitut tamanut pisinnaatitaaffeqarpat?

Akissut:

Peqqinnissaqarfimmi sullinneqarnissamut neqeroorutitut pisinnaatitaaffeqarneq akileraarteqartarnermut attuumassuteqanngilaq, kisianni nunatsinni najugaqarneq inuillu allattorsimaffiannut nalunaarsorsimanissaq, tak. § 2 peqqinnissaqarfiup sullissineri il. il. inatsisartut peqqussutaat malillugu, innuttaasut nunatsinni aalajangersimasumik najugaqartut aamma inuit allattorsimaffianni nalunaarsoqqasut peqqinnissaqarfimmi sullinneqarnissaminut neqeroorutitut pisinnaatitaaffeqarput. Utaqqiisaasumik najugaqarallartunut inuillu immikkoortut aalajangersimasunut malittarisassat immikkoortut atuupput, tak. §§ 3-5.

2. Malittarisassat immikkoortut Innuttaasunik peqqinnissaqarfimmit ikiorserneqarnissamik itigartinneqarsimasunik sulianik Naalakkersuisut ilisimasaqarpat?

Akissut:

Peqqinnissaqarfimmi aqutsisut Naalakkersuisunut ima paasissutissiipput: "Innuttaasut katsorsarneqarnissaminut pisariaqartitsisut peqqinnissaqarfimmi katsorsaanissamik neqeroorutini Nunatsinnilu Peqqinnissaqarfimmit itigartitsinneqartanngillat. Peqqinnissaqarfimmi atorfillit peqqissutsimut tunngasumik sulialimmit naliliisoqarnissaa aamma atortut pissarsiarineqarsinnaasut tunngavigalugit tamakkiisumik pingaarnersiuisarput. Innuttaasut ilimasuutaat aamma suliamut tunngasumik naliliinerup assigiinnginneri puullaqaqinermik pilersitsisartut Naalakkersuisut nalunngilaat. Taamaammat innuttaasut toqqissisimallutik tatiginnillutillu napparsimmavimmukarnissaanut attaveqaqatigiinneq oqaloqatigiinnerlu pingaartinneqarput. Innuttaasoq itigartinneqartut misigisimaguni

maalaaruteqartariaqarpoq."

Maalaaruteqarnissamut periarfissat Peqqinnisaqarfiup iluani napparsimasut maalaaruteqarsinnaanerit taarsiiffigineqarsinnaanerallu pillugit Inatsisartut inatsisaanni nr. 50-imi 25. novembari 2024-meersumi nassuiarneqarput.

A) Aappiuppat, qanoq amerlatigisut aamma sooq?

Akissut:

Apeqqu 2-imut akissutigineqartigineqartoq innersuussutigineqarpoq.

B) Naamiuppat, Peqqinnissaqarfitsinnik innuttaasut naliliinerannik misissuinissamik Naalakkersuisut suliaqalersaarpat?

Akissut:

Peqqinnissaq pillugu ataatsimiititaliarsuarmit innuttaasut napparsimmavik pillugu nalilersuinissaannik aqqissuussaasumik misissuisoqarnissaanut siunnersuiniarlutik isumaliuuteqarput. Napparsimmaviit ineriartortuarnissaat annerusumik iluaqutaasinnaammat innersuussut tamanna naleqquttuusooq Naalakkersuisunit isigineqarpoq. Massakkut suliniut taanna salliunneqassanngilaq, atortummi pingaarnert pissarsiariuminassusii katsorsaasarnerrillu aalajangersimasut neqeroorutigineqartartut pitsaassusaat pingaartinneqarneri pissutaalluni.

Ilutugalugu erseqqissarneqassaaq, Peqqinnissaq pillugu siunnersuisoqatigiit ukiumut nalunaarusiaa malillugu Nunatsinni Nakorsaaneqarfimmut maalaarutit 213-it 2024-mi nassiuunneqarsimapput. Ukiut tamaasa nakorsiartitsisarnert annertooujussuit ingerlanneqartarnernut naleqqiullugu, tamanna ersertitsivoq napparsimasut amerlanersaasa peqqinnissaqarfimmi katsorsartinnertik ikiyeqarnertillu naammagisimaaraat.

Innuttaasuttaaq ilarpassuisa Peqqinnissaqarfik ataatsimut isigalugu naammagisimaarlugulu Peqqinnissaqarfimmi sulisut sulilluaqisutut nalileraat, napparsimasut iluarisimaarinninnerannik 2020-mi kingullermik misissuinnermi nalunaarusiami ([Kalaallit Nunaanni peqqinnissaqarfik atuisut isaannit isigalugu](#)) allassimavoq. Naak assigiinngitsutigit pitsanngorsagassaqarfiusutut aamma nalilernerqarluartoq ataatsimut isigalugu naammagisimaarneqarluartoq, nalunaarusiami inerniliussaavoq..

3. Peqqinnissamik oqartussaasut ulapippallaarneq pissutigalugu pinasuartumik saaffiginnittunik itigartitsisariaqartarsimasut Naalakkersuisut ilisimasaqarpat?

Akissut:

Peqqinnissaqarfimmi aqutsisut Naalakkersuisunut ima paasissutissiipput: "Pinasuartumik napparsimasut siullertut pingaartinneqarput itigartinneqarnerlu ajorlutik".

Inussiarnersumik inuulluaqqusillunga



Anna Wangenheim